



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Roschildensia.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)



ROSCILDENSIA,
IN TEMPLO CA-
THEDRALI.

IN HARALDUM REGEM, EJUS TEM-
pli primum conditorem. qui obiit anno
Christi 980.

Tergeminus fuit Haraldus, dum sceptriger omni
Temporis excursu pace beatus erat.

Caesaris innumerum donec furit agmen, & inde
Climata Jutonica dilaniata jacent.

Consilium nimium felix: Rex gurgite sacro
Mersus, init superis foedus: & arma jacent.

Funditus hasce Jovi summo nunc condidit ades,
Quasq; per id memores duxerit esse sui.

Sueno etiam abluitur, prater placitum, sua proles
Præcipiti rabie qui strepit armipotens.

Imperii siquidem generosi fata parentis
Caca libido parat, spicula missa necant.

Post natale Dei dum scripsimus octuaginta
Nongentos, meruit scandere celsa poli.

SUENO MAGNUS, REX DANIAE,
Angliæ, & Norvvegiæ.

Regum Sueno decus, magno quo Dania Rege
Floruit, & sceptris imperiosa fuit.

Non virtute minor Sueno, quàm nomine Magnus:
Nam dici poterit Magnus utroq; modo.

Hunc soror illustris Regis præclara Canuti
Estridis genuit prole beata parens.

Anglos Marte premens, Norvvegia regna subegit,
Fit tria sceptræ tenens unica Dana manus.

Res miranda nimis, quem non tria regna valebant
Imperio capere, jam petra parva capit.

Ff

*Sed quia stare diu nequit heu terrena potestas;
Terrarum reges quarite regna Dei.*

An. Dom. 1412. in die S. Simonis & Judæ Apost. obiit Illustriss. Domina D. Margareta, quondam Daniæ, Sueciæ, Norvvegiæ, regnorum regina: & anno sequenti 4. Nonas Julii hic sepulta. Quam quia tota posteritas dignè, ut meruit, simul honorare nequeat; hoc opus in ejus memoriam, magnifici Principis Erici Regis moderni sumptibus est constructum, An. Dom. 1423.

E P I T A P H I U M

Wilhelmi olim Episcopi Roschildensis.

*Wilhelmus olim Episcopus Roschildensis
Præstantibus Dei relucebat donis,
Pietate, religione, per celebri vita
Et sancta, & omni genere virtutum illustri;
Adeo, ut incertum erat, is ne officio tali
Dignior erat, an illo officium. Tam spectatum
Episcopatus præstitit sui exemplum.
Hic fretus innocentia, atque item justo
Injusti homicidii dolore permotus,
Quod à rege factum erat, libidine magis quam
Ratione, Regem ipsum quamvis magnum, & tali
Regno potentem, comitatuq; stipatum
Magno, repulsum baculo, prohibuit templo,
Rebusq; sacris, donec pœnitens facti,
In gratiam cum Ecclesia ac Deo offenso
Redisset. his factis, tempore non ita multo
Póst, mortui jam regis sui deferebatur
Funus. quod ut rescitum est appropinquare
Urbi; duo sepulchra confici jussit,
Duobus etiam feretris adornatis ibat,
Wilhelmus obviám. Postquam ad funus ventum esset
Oratione facta, ut illi (quem in terris
Deo patri jam lucrifecerat sanam
Per admonitionem) commori posset.
Mox membra collapsus, animam sanctam celo*

Reddidit.

Reddidit. Ac inde uterq, suo lecto impostus
 Hanc sacram ad sedem pariter (mirabile dictu)
 Magno omnium stupore deportati sunt.
 Wilhelmo honorificè sepulto, ac de more
 Episcopalibus insignibus uná cum illo
 Terra reconditis, novo DEUS funus
 Miraculo hominum memoria consecravit.
 Hac ipsa namq, ut obruta tumulo terra,
 Ultro sepultum reddidit. translatum ergo
 Huc funus est, ac magna cum religione
 Hoc in loco commendatum sepultura.

Ibidem.

EPITAPHIUM

SAXONIS GRAMMATICI DANORUM
 Historici.

Qui vivens alios aeternum vivere fecit,
 Saxo Grammaticus mortuus hic recubat.
 Mortuus extincto sed tantum corpore, mente
 Qua valuit, magno vivit & ingenio.



SORANA.

IN TEMPLO COENO-
 bii Sorani.

Hoc Absalonem tumulo post fata reclusit
 Ultimus humane conditionis honos.
 Hic primas sua prima tenens, docet, ultima cunctis
 Ingruere, & nullum posse manere diu.
 Corpore nactus humum, lustrat spiramine calum,
 In duo divisus gaudet habere duo.
 Par patris patriq, parens, hoc pulvere pausat,
 Certa salus populi, plebis opima quies,
 Virtutis specimen, justus pater, auctor honesti,
 Militia robur, religionis apex.

Ff ¶